

Ayam berkaki empat tarik perhatian penduduk

KLATEN - Sebuah perkampungan di Kebonarum daerah Klaten, Jawa Tengah menjadi populer sejak sebulan lalu selepas kemunculan seekor ayam berkaki empat.

Kampung Pluneng itu mendapat perhatian orang yang ingin menyaksikan sendiri kebenaran mengenai cerita ayam berkaki empat itu.

"Setiap hari berpuluh-puluh orang datang ke rumah saya untuk melihat ayam aneh itu.

"Selain berkaki empat, ayam saya itu juga mempunyai dua saluran najis," kata pemiliknya, Carik kepada **MICOM**.

Ayam yang diberi nama Tinuk itu dilaporkan berusia 35 hari.

Menurut Carik, dia tidak akan menjual ayam itu, walaupun pernah ditawarkan dengan harga 320,000 rupiah (RM108).

"Ayam seperti ini jarang ditemui dan saya akan memeliharanya," ujar Carik. - AGENSI

INILAH ayam milik Carik yang berkaki empat di Kebonarum, Klaten, Jawa Tengah.

